

Rexneya rewşenbîrî

## Çalakiya me bi çavdêriya berêzî ye

Îsmayîl Tahir



Her dezgehek çî bi damezirandin û danan çî bi hîlbijartin û dengdan bikevîte karî û desteyeka karî bo bihête dest nîşankirin, merem û bername û peyrew û program û armançek bo dihête berçavkirin da li ser biçît û karê xwe li ser birêvebibet û dbiyavê hizra bo hatî ye danan da bişêt xizmetên xwe pêşkêş biket û bername xwe li dûv şiyanan bekete û ketwar û kiriyar.

Li Kurdistanê û piştî 16 salên rebeqên azadî yê û karkirin û xebata bê rawesitiyan jibo sîstemkirina dezgehan û danana berê binîyatê dezgehkirina sîstemê karî nexasim yê rewşenbîrî û ragehandinê heta nuke çend alozî wasteng kefitîne dirê ya pêşkeftina roşinbîriya kurdî da jîwan ew xwe nizîkkirin û leglegiya hindek jî berpîrs û nûnerên wan dezgehan bo berpîrs û dewlemendên ne rewşenbîr diken mîna xazokî û berzkirina kesayetiya wan ya vala bi rê ya dana şerefa çavdêrî yê bi wan kesan çî jiber wergirtina dirav û xercî yên çalakî yê bît yan jî xwe nizîkkirina wan berpîrs û nwêneran digel layenên berpîrs û dewlemend.

Bila em di rûn û aşkira bîn digel xwe û bêjîn ne tişteke şîrîn û ciwane xudan payekê leşkirî çavdêrî ya çalakiyeka edebî biket yan kesekê bazirgan çavdêrê êvareka helbest xwandinê bît, çend nivîser û rewşenbîr û edîbên navdar û xizmetkar dê li pişt wan kesanên ne rewşenbîr rûn û mamajeyan bidene çavkên kamîra û peyamnêran pûtekê baş bi berêzê bi den û dûr nîne çavpêkeftin û dîdar jî bihêne kirin û li ser rewşenbîrî ya kurdî bihêne hijmartin digel wê êkê ku û kesî dibineret da bawerî bi rewşenbîriyê nîne û her nizanît jibo çî û çewan ev cure çalakî ye dihêne kirin û mifa û giringî ya wan çend e û bi tinê armanc jê berizbûna kesayetî ya û ye didezgehên ragehandinê da û hîç delîveyekê jî jîdestê xwe naken da bejin û bala wan didezgehên ragehandinê da berçav û xweya bibin.

Ev karê lawazê û dû r jîbnema û prensîpên rewşenbîrî yê bi şêwekê giştî kartêkirineka lawaz û nerênî dikete ser derûn û kesayetiya hejêkerên roşinbîryê nexasim jîtexa genc ku peyte bi kesanên roşinbîr û dana û mandîbûy dibiyavê rewşenbîrî nahête dan û berovajî giringî bi kesanên xudan pile û dewlemend û vala ji layê

## *Qıştî*

hizirî ve dihête dan û dibîte egerê sist û xav bûna pêniçavan ku texa nûgehiştî çav li roşinbîr û blîmetên şareza û hzirivan û diheman demda kê m dahat û deramet bi ken ku sube gera wan jî dê bi heman şewaz hêt "gutine mirîşkê bo tu ditirsî gut min dayika xwe bi bistkê ve dît "jilayekê dîtir ve berê wan didete rê û çareyên ne rewa ku jicîhana rewşenbîrî û hzirê varê bibin û rê ya dewlemendkirin û wergirtina pileyan bigirin û pûtekê baş û ji hejî bi rewşenbîrî yê wek rêbaz nehêtedan.

Çend pêniçaveka şirîn û dchê xwe dabûdemê sendîka rojnamevanên Kurdistanê tayê Duhok fîstivaleka rêzigirtinê bo nivîskar û roşnîbîrê kurd û rojnamevanê dêrîn hafiz Qazî li Duhokê kirî û çend pêniçavên pîroz bûn rêveberiya rewşenbîrî ya Duhokê bi dehan fîstivalên rêzîlênanê bo bi dehan rewşenbîr û bilîmet û zimanzan û hunermendên kurdên zîndî û wexerikirî gêrayin, û çend hizireka hêjabû çavdêrî ya êk jivan fîstivalên here mezin û jihejî existî ye bin çavdêrî ya roşinbîrê kurd Ebdulkerîm findî.

Dibit dişiyânên jimareka berçava senter û bingehên rewşenbîrî da nebît diravê pêdivî bo gişt çalakîyên xwe didest da nebît û ew parê kê m hikumeta herê m wek pexşîn pêşkêş diket û rojane jî gefên kê m kirin û birrîna wê diket têra wan bizavan hemiyane neket lê divêt rêz û giringiyeka here baş û berçav bi çalakî yan bihête dan û ne bîte egerê hindê ku şerefa çavdêrî ya wan çalakî yan bo kesekê vala û kê m rewşenbîr biçît, demê pertûkek li ser mezaxtina diravî ya kesekê dewlemend dihête çapkirin li dûmahîya pertûkê bi supasiyekê mafê wî dihête parastin, ne ku xudanê pertûkê pêşekî yê dinivîsît, bi heman şewe baş e di ahenga dest pêkirina çalakî yê da bi supasiyekê mafê wan layan bi hête parastin neku bi bine çavdêr û peyvani jî bi denê û tiştê mezintir ji mafê xwe werbigirît.

Herdemê senter û bingeh û êketî û sendîkayên me yên karî ji bo xurtkirina bizava rewşenbîrî diken ev rêbazên çep û şkestî peyrewkirin û rê da van hizirên şaş û ne rewa dinav texa genc û law da beriz û mezin bi bin encam dê di diltezin bin, dê ramanekê belav ken ku êdî kes çî tak yan kum rêbaza hizirê çulken û ji hizra pak varê bin û bi hemî şewazan xwe gehîne rêza êkê ya wan dikêşîte nav navendan û di encamda bi xirabtirîn şewe bi kevne ber behis û xeberan û hizra pak û rewşenbîrî û şarezayî ya baş peyrew naken, sistem bereban dirust diket ka çewan dinavbera çav û biriyari da sistemê jiyane hemî ji layê yasa û peyrew û rewştan ve divan çend salên borî da li Kurdistanê hate gihorîn wesa sistemê hizirê û roşnîbîrî yîç jî li ber metirsîyê ye bi xirabtirîn şewe bi hîçte guhorîn û l cihê me şehsiwarên bilîmet û kûr û şareza hebûn dê encam berovajî hên û sûyarên sûr şkestî dê bi mişeyî ve dinav bizava rewşenbîrî da peydabin.

Bila nan bo nanpêjî bît û meydan jî sûyarên xwe hembêz biket û cihê ne ji hejî bo kesê ne ji hejî ne hête valakirin.